

Ulrich von Brandis, Vogt der Herrschaft Feldkirch, schwört anlässlich der Huldigung der Stadt Feldkirch, diese bei ihren hergebrachten Rechten und Freiheiten zu schützen.

Or. (A), StadtA Feldkirch, 177. – Pg. 27/16,5 (Plica 2) cm. – Siegel (Fragm.) abh. – Rückvermerk (15. Jh.): 1463.

Ich^{a)} Ulrich von Brandis¹ fryherre bekenn^{b)} offennlich mit dem brief. Als mir die ersamen wysen der amman², die rät vnd die burger gemainlich der statt ze Veltkirch² an statt vnd jn namen der durchluchtigen hoch-³ geporn fürstin fraw Elienor geporn von Schotten³, hertzogin zů Österreich etc., miner gnädigen frawen, l⁴ gehuldet vnd geschworn hand, als ainem vogt vnd pfleger gehorsam vnd gewärtig sin, bekenn jch, l⁵ das si dieselben ayd vnd huldung getā hand nit annders denn jn mauss als vorstaut vnd auch nām-⁶ lichen allen jren rechten briefen fryhayten gnaden gūten gewonhayten vnd herkomen, die si gemain-⁷ lich oder jnsonnder habent vnd herbraucht hand, vnschādlich. Vnd hand jnen selb die darjnn gentz-⁸ lich vorbehalten, daby zů belyben, vngeuārlich. So hab jch jnen voran geschworen ainen gelerten ayd l⁹ zů gott vnd den hailigen, das jch si gemainlich oder besonnder by denselben jren rechten briefen l¹⁰ fryhayten gnaden gūten gewonhayten vnd herkomen belyben laussen vnd si daby schirmen l¹¹ vnd hanthaben sol vnd wil nach minem besten vermugen on geuārd. Vnd wenn das wēre, l¹² das jch von der obgenanten vogty vnd pflāg kām ald komen wōlt, wie sich das gefūgte, so sol jch l¹³ doch mines ayds nit ledig sin noch die vestin Veltkirch niemant jngeben, den benanten von Veltkirch l¹⁴ sye dann vor genūg beschehen nach jr fryhayt sag, alles vngeuārlich. Vnd des zů gūtem l¹⁵ vrkund der warhayt so gib jch den benanten von Veltkirch disen brief darūber besigelt mit minem l¹⁶ aigen anhangenden jngesigel. Geben vff den nechsten mentag vor sant Michels tage nach l¹⁷ der gepurt Cristi vierzehenhundert vnd jn dem drūw vnd sechtzigisten jauren.

a) *Initiale J 10,5 cm lang.* – b) *Initiale B 1,3 cm.*

¹ *Ulrich v. Brandis, 1452-†1486.* – ² *Feldkirch, Vorarlberg (A).* – ³ *Eleonore v. Schottland, *um 1433-†1480.*